



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

20. Mortificatio gulæ.

Nutzungsbedingungen

urn:nbn:de:hbz:466:1-55242

III. Salvator mi , libera me à rancore
invidiæ , ut replear charitatis Tuæ dul-
cedine.

P A S S U S XX.

Mortificatio Gulæ.

T E X T U S .

*Attendite , ne forte graventur
corda vestra , in crapula &
ebrietate. Lucæ c. 21. 34.*

Cognitio.

Gula est inordinatus appetitus alimenti,
qui quinos excessus seu actus com-
pletitur.

1. In quantitate , nimium cibi & potūs sumendo , excedere.
2. In qualitate , nimis lautum ac delicatum cibum , potūmque appetere.
3. In tempore : ante & extra consuetam horam , edere & bibere.
4. In modo : nimiā aviditate & ardore , alimentum sumere.
5. In condimento : esculenta nimis stu- diosè & exquisitè præparata desiderare.

Con-

Consideratio motivorum.

Qui gulæ damna æquè, ac supplicia crebrò ad mentis trutinam revocaverit, facilè sibi frœnum injecerit. Oritur enim ex ea I. In anima inepta lœtitia, scurrilitas, immunditia, multiloquium, hebetudo intellectus, tædium orationis, ac dissolutio. II. In corpore, pigritia, somnolentia, podagra, chiragra, colica, cachexia, plethora, rheumata, omnium morborum turma, ac denique mors accelerata. III. In utroque Gula, inquit Innocentius Papa de vilit, cond. hum. *Paradisum clausit, primogenita vendidit, suspendit Pistorem, decollavit Baptistam, Nabuzardan Princeps quoq[ue]rum, templum incendit, & Ierusalem totam everit. Balthasar inter epulas, manum scribentis vidit: & eadem nocte peremptus est à Chaldais.* Cave igitur tibi, & pone gulæ metas, ut sit tibi longior ætas.

Petitio.

Quis est, Domine, qui non aliquando rapiatur extra necessitatis limites? Quisquis est, magnus est, magnificet nomen tuum; ego verò non sum ille. Quare ad Te confugo, & peto suppliciter, fragilitatem meam corroboro, ut nunquam in cibo potuque excedendo, corpus gravem; nunquam lauitias

titias quæram , appetitūs æstum nunquam non moderer , tempus observem , alios non plūs æquo invitem , multò minùs cogam ad edendum vel bibendum ; ne cum epulone divite , ad famem sitimque perpetuam condemner , & inter gehennæ flamas sepultus , aquæ guttulam frustrè effagitem.

Aspirationes.

I. *Noli avidus esse in omni epulatione , & non effundas te super omnem escam.*
Eccli. 37. 12.

II. *Averte à me, Domine , oris scurrilitatem , & ventris ingluviem.* S. Aug.
Med. c. i.

III. *Utinam , mi JESU , nunquam in cibo , potuque sumendo excederem ; sed semper ad alimenta , tanquam ad medicamenta accederem.*

PASSUS XXI.

Mortificatio Iræ.

TEXTUS.

Omnis amaritudo , & ira , & indignatio tollatur à vobis.
Ephes. c. 4. 31.

Cogni-